


Inama nziza

Banki



Imwe mu nkuru zahize izindi mu irushanwa
ANDIKA RWANDA 2019

MUMPE URUBUGA NSOME!



MUBYEYI, DORE UBURYO WAFASHA UMWANA GUSOMA

- Ha umwanya umwana agusomere inkuru cyangwa umuvugo. Nawe kandi ushobora kumusomera.
- Fasha umwana gutekereza ku byo asoma cyangwa umusomera ugenda umubazaho ibibazo.
- Mu gihe murangije gusoma inkuru cyangwa umuvugo, ha umwana umukoro umufasha kwimenyereza kwandika inkuru.

UMUKORO


Saba umwana kwandika inkuru ku ifoto imanitse mu ruganiriro, ku muntu runaka wo mu rugo, ku bindi bintu ubona hanze...Umwana ashobora kubandika cyangwa akabishushanya, hanyuma ukamuha umwanya wo kubigusobanurira.

IBISOBANURO KU MUBARE WANDITSE KU GIFUNIKO CY'AGATABO

- Ku gifuniko cy'aka gatabo hariho umubare. Uyu mubare, werekana ikiciro agatabo karimo, si umwaka umwana yigamo.
- Hakurikijwe uko inkuru yanditsemo yoroshye gusoma no kumva, cyangwa ikomeye, agatabo gashobora kuba mu kiciro cya 1, 2, 3, 4, 5. Bityo, inkuru yoroha duhereye ku kiciro cya mbere.
- Agatabo kari mu kiciro kimwe gashobora gusomwa cyangwa gusomerwa umwana wiga mu mwaka wa 1, uwiga mu wa 2, n'uwiga mu wa 3, bitewe n'ikigero umwana agezeho mu kumenya gusoma.

Babyeyi, turabashimira ko muha abana nibura iminota 15 yo gusoma ibitabo buri muni, kandi mukaba muri kumwe na bo igihe basoma.

Inama nziza



Imwe mu nkuru zahize izindi mu irushanwa
ANDIKA RWANDA 2019


NIYODUKESHA MAHORO Bernice, yanditse iyi nkuru afite imyaka 12, yiga mu mwaka wa 3 w'amashuri abanza, mu Rwunge rw'Amashuri rwa Fugi, Akarere ka Nyaruguru, Intara y'Amajyepfo. Iyi nkuru ye, INAMA NZIZA ni imwe mu zahize izindi mu irushanwa rya Andika Rwanda 2019.




Ikimonyo n'umuswa byari inshuti.
Bigafashanya imirimo yose.
Byatungwaga no guhinga imboga.




Byakweza bikagurisha.
Bikagabana amafaranga avuyemo.
Hanyuma bigahaha ibyo bikeneye.



Byakoraga n'amasaro mu mpapuro.
Byayagurishaga hirya no hino.
Byari bifite amasoko menshi.




Abanyamahanga barahuruye.
Bazanywe no kureba uko bikora amasaro.
Ibyo byatumye bibona amasoko hanze.



Ikimonyo cyari gifite umugambi.
Cyashakaga kuziyubakira inzu ikomeye.
Amafaranga kikayabitsa muri banki.




Umuswa wo wayabikaga mu mwobo.
Noneho ukayabumbiraho icyondo.
Wahoraga ufite ubwoba ko bazayiba.



Ikimonyo kikawubwira kugana banki.
Umuswa ukabyemera ariko ntubikore.
Wishimiraga kuyibikira ukirirwa uyabara.



Umunsi umwe, hagwa imvura y'amahindu.
Imyaka yari mu mirima itwarwa n'amazi.



Umuvu utwara n'inzu y'umuswa.
Amafaranga yawo ahinduka urwondo.
Inoti zimwe ziracikagurika, izindi zirabura.




Ikimonyo kiza gutabara umuswa.
Gisanga ibyangiritse ari byinshi.
Kibonye icyo gihombo kirababara cyane.



Ikimonyo kiyemeza gufasha umuswa.
Abaturanyi na bo batanga inkunga.
Umuswa ubona aho uzajya urara.



Umuswa ufata ijambo ushimira abawutabaye.
Ubabwira uko ikimonyo cyawugiraga inama.
Wicuza icyatumye utacyumvira.




Ikimonyo gifata ijambo.
Gikangurira abari aho kugana banki.
Bose bavuga ko bagomba kuva mu bujiji.




Hashize iminsi ikimonyo kijya kubikuza.
Cyari kimaze kugira amafaranga menshi.
Kigura ibikoresho kibumbisha amatafari.




Ikimonyo kiyubakira inzu nziza cyane.
Hanyuma, cyubaka aho kororera inkoko.



Nuko gitera imbere kubera kwizigamira.
Mu gihe gito kigura imodoka.
Kikayifashisha mu kugeza amagi ku isoko.



Umuswa ubibonye, ufata ikemezo.
Ntiwongera kubika amafaranga mu rugo.
Wiyemeza kugana banki bakawungukira.



Ikimonyo na cyo nticyatererana umuswa.
Kiwuguriza amafaranga urishima cyane.
Utangira ibikorwa byo kwiteza imbere.



This work is licensed under Creative Commons Attribution-NoDerivatives 4.0 International (CC BY-ND 4.0). To view a copy of this license, visit <https://creativecommons.org/licenses/by-nd/4.0/>. This work is an adaptation of materials originally prepared as part of the Rwanda Education Board's Andika Rwanda writing contest. Under this license, you are free to copy, distribute, and transmit this work as long you provide attribution as follows: "This work is an adaptation of materials originally prepared as part of the Rwanda Education Board's Andika Rwanda writing contest; it was developed through collaboration between the Rwanda Education Board (REB) and the United States Agency for International Development (USAID)." More details on permissions under this license can be found at <https://creativecommons.org/licenses/by-nd/4.0/>." Distribution of adaptations of this work are not permitted under this license without the permission of the copyright holder.

